

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷九十二
內容分類 集 總集 各代 明

索書號 大木 集部 總集類 30
編號 D7861500

彩色首頁1

東洋文化研究所漢籍目錄 編號: D7861500

東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷九十二



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技

善者寡矣禕是以論列之以見不苟合乎一時者乃所以合乎後世也先生娶王氏生四子曰祿祺祐祉乃棄諸子而卒諸子以卒之歲十二月甲子葬于就日鄉義和里之楊家園今去先生卒時四十有六年而先生之孫有欽有奇有識有觀有慶有用有元多為老成人會孫五人亦已長云

皇明文衡卷之九十一

皇明文衡卷之九十二

墓表

貞義處士鄭府君墓表

樓璉

金華之浦江有孝義門曰鄭氏鄭氏有好學篤義之君子曰處士諱洧字仲宗其言慤而信其行和而謹少受業于太史潛溪公劬躬勤志痛自繩斷籠鷄臥榻之側聞鷄初號輒危坐誦讀至夜二鼓不休由是盡通貫聖賢經訓尤精於朱氏論議根據仁義下筆為文有奇俊語一時老儒多嘆譽之其家合族以食男女數百人處士事尊長待昆弟御卑幼壹以誠篤恭順為本上下莫不宜之洪武十九年詔天下度田繪疆畛為齒命太學生蒞其役太學生有以賄敗者蔓連大家多坐死處士兄濂時主家改名連于牒當就逮京師處

士老其兄奮曰吾家以義名吾先曾祖弟昂坐誣罪爭先死
維揚獄吾兄老矣吾可不代兄而使之就吏乎遂詣理自誣
服死金陵其喪歸不惟其家哭之哀而鄉人靡不哀之不持
識之者為之涕泣凡聞鄭氏事者靡不掉其不幸也處士曾
祖諱德璋宋青田縣尉昆弟相代死者也祖諱文轟父諱鉅
母周氏配張氏有淑德賢行子男二人櫟柏女二人孫男五
人煒烝耿焞曾孫男一人瑄處士卒於十九年七月八日
年五十有三以明年七月七日葬于白麟溪北二里潘坂之
原鄉人私諡曰貞義柏有文學與余皆師潛溪公處士遇余
最厚柏以伯父左春坊左庶子濟所錄狀來請銘誼不敢辭
乃為表其墓曰

孟子謂以法死者非正命亦視其所為何如耳使獲罪於義
理而抵法如孟子之言可也倘所為合乎義而遭逢不幸
身于難得命之正也孰加焉故比干之死於君申生之死於
父董汪跼之死於國孔子皆取之苟不由義而負耻含垢以
全其生縱登上壽歿牖下君子視之猶狐鼠之斃腐昌足謂
之正命乎若處士者以身代兄死于仁義其所全者大矣其
於天之所畀可謂無負矣壽雖不長名則永存為善之報寧
不在其子孫哉

黃灣馬公墓表

徐一夔

黃灣馬公之既歿也其孤葬于其鄉菩提山長生嶺之原後
十有二年值

大朝更化從郡縣巨姓居于中州馬氏亦徙居穎上又十有
二年其孤自穎奉其母以還於濠上之舟中含哀茹毒暴

遺骸而南與公合葬既襄事為鬪走見余泣且言曰我先人有潛德不肖孤以奔播故不得請銘于當世立言君子以貽不朽今著作家為東南所推重者在先生矧不肖孤又辱有
 一日之雅寧靳而不為之執筆乎余記張氏陷吳門之歲避地黃灣時馬公捐世未久其孤嘗辟籬以處我而使其子與姪於余授經余以亂故為三年留故知公為悉於義不得辭乃本其世系與其行實之尤章章者為之表公諱振字廷舉其先汴人從宋南遷居今海寧縣之黃灣譜牒散失莫能考其傳序大父以行稱是為萬十 宣教父諱君玉習經盤筭事元至元間仕為西路鹽司典史母鄭氏盛年而寡守志不易以撫遺孤馬氏世業鬻海藉群鹵丁以事淋教屬歲大侵群鹵丁散去其母及鬻簪珥以活之公於經史頗通大意幼

游鄉校以父喪未卒業而歸事母至孝色順辭婉迎承母意以理家政其後家日以裕不厚自封殖鄉黨無感有不能自存者皆周給之性度寬厚與人交不置町疇亦頗尚氣里有出已右者則折之以義使自媿伏平生不惑於邪說里人有疾輒赴詭祠吹簫擊鼓剖羊醢酒曰以祛苗公曰此正所謂非其鬼而祭之誦也絕而不為浙俗信佛多皆之象莫不爭施財以華飾其居曰以種福公曰彼惑於因果輪迴之說故至是施財於生前而收福於死後理無是也家雖餘饒不以一錢尺帛施僧惟篤於教事每語其子曰吾觀諸孫多秀發宜擇良先生教之曰讀書知禮義可以持家可以發身將屬續其子請遺訓之以為言故其子奉命惟謹雖在衰絰亟築館為設教之地故長史朱君右過之嘗本其意而銘之曰詒

教可以見其為人矣公之歿以元至正十有六年二月某日
得年六十有一葬以其年十月某日配朱氏孝順慈儉為婦
為母皆盡其道其歿也年八十有四而祔葬之日則

大明洪武之十有六年正月某日也子男四長繼周次維周
以督海運功元授杭州路總管府判官次用周出繼弟同知
嘉興路總管府事其後次臣周後公十二年女二長適沈
某次適董其孫男二人曰綱曰秩皆明經舉進士綱蚤亡秩
今為穎上縣儒學訓導孫女七人曾孫十人女五人嗚呼自
夫鬼之說盛於荆楚而江以南莫不媚鬼自夫佛之教行於
中國而浙以西事佛為甚至於家孰黨庠之制既廢富而不
知教不獨遐陬僻壤為然雖鄒魯之邦亦或有以夫人苟有
材力命與時逢能使其家立轉約為裕亦易易求其有卓然

之見不媚鬼不事佛而認認然以教為事如馬公者蓋亦鮮
見余以其事可以範俗是用揭之于墓

朱處士墓表

朱廉

士有不階一命而功被乎鄉里力可以報怨而反施德于仇
人若朱處士文高者可謂長者矣文高一名密世居金華之
永康其地曰金成宋之初亡元兵之入括蒼者道出金華而
永康正當其衝暴民乘間嘯聚剽掠處士與從兄平高糾率
鄉民利兵嚴警以自捍衝閭井賴以安全大姓陳氏以武斷
鄉曲莫敢與校平高獨與抗立不相下由是有隙平高既歿
陳氏挾舊怨以危禍中處士幾至不測有德處士者知其冤
狀以告縉雲陶翁翁力救之事以故得釋元既混一海內陳
之弟有怨於兄詣官發其陰事陳敗其親戚僕從皆當從坐

有司檄處士捕之處士不念舊事止械陳于官而為之言俾
用自首例盡釋其從坐者所活百餘人時侯方新附軍帥史
弼署處士防禦鎮撫令搜捕反者利賞與者多縛獻平民處
士憫其無辜悉縱遣之全活甚衆人益稱為長者嗚呼世有
遭睚眦之辱輒深蓄不忘及其可報報之不遺餘力此其人
視處士何如哉處士之先出於漢槐里令雲槐里七世孫洵
嘗為東陽太守後移守臨海其孫埴復守東陽始自平陵來
居東陽東陽今為金華金華之朱氏皆其後也始居金成者
曰昌昌孫元吉是為處士之曾祖祖智父彥實皆不仕處士
自幼孝謹宗婣鄉里咸稱其有敦睦之行以其某年某月某日
卒享年若干娶劉氏子男二人如遂如登孫男三人捨已租
錢法會孫男五人源祐寔寔宗寔好讀書有名士林某年其

月某日葬于義和鄉松坡之原浦江義門鄭彬朱氏婦也以
何之權所作處士行狀為之求文以表其墓嗟夫人存二行
之善不及登載簡冊其事寔久遂致湮滅無傳者多矣是故
君子恐一善之不聞苟有聞焉亟為稱述以顯著其事不沒
人之善也余故序次處士之行而表之以辭曰

身居其位民社所繫遭時之艱所宜捍衛有若處士沉跡畎
疆乃能奮身以保其鄉被亮加陷幾至不測在死而生豈伊
人力及被敗亡孰不擠之乃憫其黨活之險危功施鄉里德
以償怨兼茲二美古亦罕見自古為善福祿之根天之所報
不必其身松石之原表辭在石後有顯者無昧先德

故元翰林侍講學士陳公墓表

蘇伯衡

在昔元至正己丑盜發海上又明年汝穎繼變不五六年淮

東西江左右湖南北固不燭亂如海中漚前者未滅而後者復起土崩之患危在朝夕其君臣當夙夜惕勵憂勤殫竭心膂撥亂而反之正若救焚拯溺之不暇乃誕相與盤樂淫荒視宴安之日猶有甚者畧不以攘除事置思慮蓋懷奸怙寵專權稔惡蠱惑帝至于此則禿魯帖木兒也公於時官文學憤激于衷憂形于色率御史善材抗疏彈擊不少顧忌萬一帝心感悟焉使帝因公之言立誅奸臣以謝天下凡昔所為圖彌蓄變猶可以登中興之功救頃臯之運柰何奸臣甫竄而遽用顧譴公非宜言而欲殺之由是衆正解體盜賊橫行兵交闕下擁衆觀望者相隨屬寓縣割裂生民塗炭

大明啓罪之師至通州帝遂棄宗廟遁而社稷墟矣是雖運祚之有所終曆數之有所歸抑豈不以疏法家拂士忽忠言

至計也哉嗟夫亡國之主未有不以奸邪為賢而以忠讜為狂者也亦未有柄用非人以言為諱而國能存者也故公伯祖宋相宜中景定初以攻丁大全而編管建昌軍公以劾禿魯帖木兒而幾見殺丞相之言不用後二十餘年而宋社以屋公之言不用後十餘年而元社以屋書曰與亂同事罔不亡信矣夫丞相也公也生與阨會何其絕相侶也豈非不幸與然身躋而名隨之初非不幸也而况元亡公分致死以殉國雖掣之肘而其心則與乃祖行軍司馬死汾水關同諒也一門之內百歲之間風烈相終始所謂世篤忠貞者哉嗚呼公姓陳氏諱達字元達溫之永嘉人家婺之蘭溪自司馬始高祖彥宋累贈少傅元贈中奉大夫秘書郎護軍追封永嘉郡侯諡安惠曾祖永春宋累贈少師元贈集賢學士資德大

夫上護軍追封永嘉郡侯謚恭禧祖自中即司馬元贈銀青光祿大夫大司徒上柱國追封溫國公謚康順考諱萍元銀青光祿大夫大司徒宣政院使兼延慶院使領吐蕃宣慰使高祖妣王氏曾祖妣楊氏竝封永嘉郡夫人祖妣楊氏封溫國太夫人妣江氏封溫國夫人而公沈氏出也三歲而孤伯母陳留郡夫人江氏鞠育之長大年十五徵入宿衛二十學書於平章康里公夔夔待制杜公本學詩於張貞吉天雨馬教授伯誠三十書名與康里公上下欽安殿成在延善筆札者咸書榜上進獨用公所進者至正壬辰擢端本堂司經尋轉正字又遷文學立朝慕汲黯之爲人事無大小言必剴切皇太子禮貌之不徒以其善書也効禿魯帖木兒寔丁酉冬賴太子苦諫得不殺遂辭所居官明年遵海南歸永嘉即墓

下以居從進士陳高授尚書周易語及時事輒流涕於邑旣而帝見亂甚始思公顧其兄大都留守愛穆歌問公安在對曰病臥故里即日以徵事郎同僉太常禮儀院事召不拜又召拜集賢直學士亞中大夫兼太子贊善最後召以翰林侍講學士資德大夫知制誥同修國史同知經筵事後兩召皆有御衣上尊之賜而公終已不赴其言曰吾嘗見病者不早使醫師治之及在膏盲始召醫從事雖扁鵲亦走而已今國事如此豈臣子之所忍見然賢如先丞相處輔弼之地猶不能存宋於垂亡况吾之才職以論思獨能存元於垂亡乎王師克溫公自沉淵軍士出之引佩刀自裁軍士奪之乃斷髮示無用猶安置濠州後遇赦任便居住乃還蘭溪病風痺且三年矣聞有薦之于

朝者遂却藥不御而卒公生以元之至治壬戌七月一日卒以洪武乙卯十月六日葬蘭溪縣甘棠鄉門村原以壬戌十月二十日娶江氏封永嘉郡夫人子男五曰智曰聰曰常曰定曰醜女三一適永嘉鮑行一適黃巖鮑丑一許嫁蘭溪楊球孫男二震彰今翰林吳君况嘗銘公墓矣而聰謂伯衡不可無一言白公之志伯衡惟君子所貴大節爲先公所樹立豈不偉哉乃若既貴且富而孜孜問學施德於人而不自以爲恩人或負之而亦不以爲恨他人未易能也在公何難焉出入兩宮待遇之隆賜予之渥他人不可致也何足爲公榮雖其字畫一代不數人亦公餘事耳以故不備述而獨書其關於國者表諸神道其辭不殺蓋以公言不用於當時爲可惜公行無愧於先祖爲可貴庶存國者以懲而事君者以勸云系以辭曰

火之初發未至烈烈升斗之水沃可以滅及其燎原煙焰漲天雖竭江河烏能抹旃國步方艱不用公言國步孔棘乃召公還有策莫施還也何裨不榮以祿乃分之宜國破城亡誓欲捐軀不獲直遂天與人歟死雖不果義則無愧世其家者庶其在是

處士盧公墓表

方希古

士之出於三代之盛者豈皆賢哉世教旣明勸懲之道旣備雖有未至者不得不企而及也生乎三代之後者上焉莫爲之率蹈乎邪者非惟不之禁而或以取榮趨乎義者非惟無以勸而適以取困故道之行也中人皆可以爲善及其廢也賢者之資不能以自立於不能自立之時而有由禮秉義之

士可不謂難能耶若盧處士者是已處士生元中世俗淪於胡夷天下皆辮髮椎髻習其語二言文字馳馬帶劍以爲常處士居雖近市然恬冲坦靜不樂芬華長衣危帽徐言雅步操儒生禮不變事後毋下心 氣甚得子道遇宗族鄉里一以柔和不較爲先有犯者對之微笑恂恂酬答恐傷其意由是斯人亦不忍侮之居家雖無事必蚤起櫛冠洒掃堂寢非疾病未嘗一日怠好讀書纂集古賢人粹言及今人又若嗜飲食言若不能出口至論古今事當否得失成敗禍福及處之之宜詳審精深雖吾辨者不能窮也親賓會集道前舊所歷見聞可法戒者以爲樂煦煦如也不肖者見之而愧善者見之而慕久與之居而不見其可厭蓋其天性粹美雖不同乎流俗而亦不絕異于人故其生也人安之其沒也莫不悼

惜焉盧氏盛於齊周隋唐之際居台之寧海者其族衆多號桑洲盧氏者處士族也曾大考國華大考天麟考至公皆以善稱妣陳氏繼母王氏處士諱中字思誠配方氏予之妣也子二人曰質曰朴一女適同縣張宗雅男曰乾一質以縣學諸生登 國朝洪武二十一年進士第對策 殿廷

天子奇其文擢實第三授承事郎翰林院編修人榮處士善教子而處士益謙退若不預聞者後二年庚午處士年六十四以十月七日卒于家以訃聞 詔賜驛舟楮幣遣歸以明年正月九日葬于縣北梅柳石門之原既葬又四年乙亥質陞中順大夫太常少卿以書來漢中俾述其事刻于墓士之溺於習俗也久矣以孔子之時三代遺風衰盡變聖化之沾英才大賢相望輩出而孔子論嘆番人不可見得見有恒者

斯可矣况二千載之下禮樂亡缺之餘而習于近世之陋也哉若處士者不汙於浮薄而持心制行與古君子類非所謂善人有恒者耶以此之資使及三代之盛而獲近聖人之門道德之盛必有大過人者其所就當不止於此然則余於處士也安得不慕其賢而重有感也夫

國子博士王仲縉墓表

王汝玉

仲縉諱紳姓王氏其先太原祖人初遷祖彥超為司鳳翔節度使始由會稽徙居金華之義烏今王氏遂為義烏人十三世祖固從安定胡先生遊登宋皇祐五年進士第得官恩陽令其後子孫皆業儒躋瀛仕詳著王氏家乘考禮字予充以文行重海內與潛溪宋先生齊名

大明初擢儒臺校理歷官起居注出佐南康臨漳二郡後

朝廷開館修元史召為摠裁官尋擢翰林待制使使倭節死時仲縉甫十三年聰敏過人落筆為文沛然不可禦鞠于伯氏綬事母天人何氏盡孝及卒哀毀踰禮未幾綬亦沒仲縉獨綜理生產作業兢兢憂患中而傑然負奇志視世務瑣瑣無足動其中暇日益取經史百氏言窮其浩博會其旨歸曲而暢之觸而引之縱橫磅礴出入上下務探擷其精美乃已潛溪先生一見即器之曰吾友王待制其有後乎一時俊傑多自服不遠蜀王尊賢下士聞之馳書幣聘致待以客禮仲縉痛先待制死節變微遺骸未返位隴首其情事

王悼憫之給道里費以行至雲南訪求不獲遂即扼所奠祭仰天號慟幾絕過者為之泣下活潑述滇陽慟哭記以著志既還王慰勞備至蜀人無貴賤咸知敬愛居無何有以仲

縉名行薦者徵諸天官授國子博士諸生方翕然嚮慕而仲
縉不幸卒焉寔洪武庚辰十二月丙午也享年四十有一明
年三月壬申子稔奉柩歸葬象鼻岡之原娶丁氏曹氏生四
子長穆次即稔次稔次推仲縉平生無他嗜好惟喜爲文章
有繼志齋集三十卷藏于家昔勝國之季海寓割裂光嶽氣
分不完學者所習肄委靡極矣待制公以豪傑挺邁之姿力
矯時弊追古道而及之倡爲雄偉闕大之辭際
皇朝龍興之運俾天下後生晚進有志斯文者讀之若披雲
霧而視青天不知心目開朗也及持節使絕域慷慨徇義視
死如歸遂使倔強蠻酋稟然知中國威風氣燄之可畏迨
王師南征勢若破竹而六詔數千里咸入版圖公實有功焉
僉謂天之佑相盛德不在其身必在其後人仲縉年富力強

學篤而行脩其來者殆未艾異日必能繼厥先緒成一家言
以黼藻

皇猷鳴國家太平之盛夫何未及中壽而遽奪其生焉葬之
五年王汝玉氏悲待制公不昌其胤仲縉之不遂其志而表
其墓曰

天之於人賦以才者或不賦之以壽豈二者不得而兼有邪
抑亦抱魁梧之才者能漏造化之機先事物之兆非特爲人
所忌嫉鬼神亦將忌嫉之邪夫亦天下之事有不期而相值
耶若仲縉之才之壽其必居一於此矣余不得而知也待制
公爽靈在天地間與日月爭光而乃靳嗇其報竟何爲哉竟
何爲哉然稔也績學能文王氏之澤庶幾在是

皇明文衡卷之九十二

皇明文衡卷之九十三

墓表

陳靜誠先生墓表

楊士奇

士有效用於國深被簡知而不爲爵祿所縻從容自得不在其道必其智識明正審內外之辨察事幾之微確乎中而不奪此不謂之豪傑可乎我

國家龍興之初有若金陵陳中行先生者殆其人歟先生諱遇中行其字天資純粹自少篤學博究經史元至正中授江東明道書院山長溫州路教授遠近從者紛集講下元綱不振兵亂四作遂棄官歸隱間居一室安澹守約名其室曰靜誠鄉里遂以靜誠號之先生憫世亂益甚每夙興焚香叩天願早生仁聖以活創殘我